



Чумовой капитал йидап щирна мата питла



Хор: vc.com/shur adm

Овс мув шимлац мир нэцхэт ораңна верам региональной программа вуламтам ораңна, орхат пормас вуйм хатгэл тунял эвалт холам пус арамас. Тампус 50 чумовой капитал маса.

Йидап тал пинтцамад итна чумовой капитал па щирна мата питса – итта дув кимет па дув юпедна сэмна питты нявремат ораңна мада. Щимац партапсы Ямал мув губернатор Дмитрий Артюхов Тазовской район вул пелак нэцхэт пидна уйтантымал юпина мас.

«Щимац нятапсы онтасна касдыман яңхты энамты хатгэлдат вутн олты ораңна масты пормасат тайта питлат: корты кор, олат, хатхар сахлат, нюкет па парщин, охлат. Чумовой капитал йидап щирна мата питам юпина, мет ар энамты семья нятапсы вул», – Овс мув шимлац мир нэцхэт пидна ропытты департамент коща ның Ульяна Каленюк лавас.

Касдыман яңхты энамты хатгэлдат ораңна чумовой капитал 2021-мет тал эвалт мата питса. Щита лоңты пормасат эвалт

90% арат ёра вер верты нэцхэт ясна верлат. Тамхатл орхат сохты пормас верты ораңна 130 шоши мир нэцху ропытл.

Тамаш мера этмал итна 375 ар нявремаң хатгэл чумовой капитал ясна пайтас. Мет ар Ямальской районна – 152. 70 семья Тазовской район эвалт, 16 – Надымской, ертъяң – Дорвош район, Пулцават – холам. Тампус холна 140 капитал маты вер ол.

Вера Лонгортова
хансам потар

«Муң рут ясаңан потартлув» касапса манал

Округев хуват рут ясаңдув па улапсайдув шавиты па елды туты ураңан, кашц тал «Муң рут ясаңан потартлув» нэцхты хор касапса верла. Там пуш дув няд номинацияйн манал па талдал хуват ортман питал.

Кашц рупата йи минута элты хулам минута хольмаң секунда унты лэсятты мосал па лэсятам тема хуват пирыты:

- Муң кутэван улты водаң хоятат;
- Овс мув – сит сюняң муван елды улты номас;
- Ма дьлэм – сит мир ёх дыпи;
- Тайты верлуд – йис улапсаев;
- Ялап вер рут ясаңан;

Овс мувеван улты ханты, ур, саран па ёрн ёх хоятата дув яңхты соха думатдыман па рут ясаңан

потартман, нэцхты хор лэсятты мосал. Хор лыпийн луңтар, ар, потар, вантопса алыты рахал.

Заявка нэпек па лэсятам рупата konkurs.yamal89@yandex.ru почтая уйт дор тыдась хусмет хатл унты китты па «Муң рут ясаңан потартлув» нэматты. Унт дор тыдась яртъяңмет хатадан, шимлац мир ёх емаң хатадан, нох питам хоятат нэмдал ясталайт па мойлапалайт. Дув верам нэцхты хордал эталтадайт. Си касапса рупатайт китты кашц хоят сертификат нэпекан мадайт.

Хой молты инсясапсайт тайл, +7 (34922) 6-70-21, 6-70-27 там телефон хуват лэрапты рахал. Нох питам рупатайт лэсятам хоятат дипломатан па мойлапсаятан мойлапалайт

Альбина Тырлина ханшам потар

Дорогие северяне!

Поздравляю вас
с Днём молодёжи!

Молодые ямальцы – это гордость региона, настоящие новаторы, спортсмены, учёные, творцы и волонтеры. Они доказывают, что нет границ для таланта и упорства, активно участвуют в жизни округа и всей страны.

Мы создаём все условия для их роста: развиваем образовательную инфраструктуру, открываем молодёжные центры, поддерживаем инициативы, помогаем раскрыть потенциал каждого. Ямал выступает передовым регионом в создании креативных пространств и флагманских проектов. Уверены, что энергия молодого поколения, их знания и инициативы станут драйвером развития не только Ямала, но и России.

От всей души желаю вам, дорогие ребята, открывать новые горизонты, реализовывать смелые проекты и идеи, ставить перед собой самые грандиозные цели и достигать их! Пусть у вас всегда будет возможность воплощать мечты в жизнь. Ямал поддержит ваши стремления!

Губернатор
Ямало-Ненецкого
автономного округа
Д.А. Артюхов

Дорогие юноши и девушки Ямала!

От всей души поздравляю вас
с Днём молодёжи!

Молодость – это время смелых решений, больших надежд и ярких свершений. Вы сила и будущее нашего округа и страны. Именно вам предстоит брать на себя ответственность за стратегические решения, развивать родной Ямал, сохранять его традиции и приумножать достижения.

Сегодня ямальская молодёжь – это источник энергии, креатива и вдохновения. Вы достигаете высот в учёбе, спорте, культуре, общественной жизни и профессиональной деятельности. Ваши проекты и инициативы меняют жизнь к лучшему, а стремление к самореализации служит примером для окружающих.

Особая благодарность тем, кто участвует в волонтерских и социальных проектах, помогает людям и заботится о родной земле.

Пусть каждый из вас найдёт свое призвание и воплотит в жизнь самые смелые мечты. Направляйте свой потенциал и энтузиазм на созидание, а мы будем поддерживать ваши инициативы!

Желаю вам ярких побед, крепкого здоровья, неиссякаемого оптимизма и веры в свои силы.

Председатель
Законодательного Собрания
Ямало-Ненецкого
автономного округа
С.М. Ямкин

Номсаң айдат ёх рупата

Там ванан округ айдат ёх парламент ветмет созыван рупитам мохет Пулңават вошан акташидысат. ЯНАО Законодательной Собрание пидан йи рупата тувман, хащам талат верам вердал элты потар манас. Лорвош район элты Иван Эдуардович Сандрин па Пётр Иванович Чупров тохи пирымман улдаңан.

«Округ хуват кашң районан, вошан рупитты депутатат энамты ёх пирылат, маты отат щаха район партапса верат Пулңават вошан еллы арталат. Щимащ вер элты Александр Леонтьевич Нензелов манэм телефон хуват инщассалды. Ма еша нумассам па кашащсам. Там йисан ванта, муң ханты хоятлуд кеша, вер уйтты па ясаң ястаты хоят иса мосал.

Руц ясаңан ястатыйн, там общественной деятельность. Хой молты номас еллы тутыя верытал, тата рупитал. 2020-мет талдан там рупатая доңмеван, коронавирус муш неңхал ус. Видеоконференция хуват яха рупитсув па портартсув. Щалта 2022-мет талдан СВО операция муң хоцаев ёхтас. Щи верат щиран молты не́тап вер иса верты мосас.

Там йисан ляль харан улты хоятлудуа мосты пормасат акатлуд, лув хоттэд мохилала не́тап верлуд. Район хуват,



Хор: Иван Сандрин

куртаң хоятат СВО хара китты молты пормасат, лэтотат, портунат тулат, щитат Мужия похда акатлалдуд. Ун хирата, дарацата яма пондаллуд па еллы китлаллуд.

Хул-вой ведпаслаты ёх, тащ хотан касдыты хоятлуд, рут мирэв айлат ёх ищи арталаты верат тайлат. Утца щиран верты юр антом, ант уйтлат па кум ант щитлат.

Айлат ёх ун тахайн уталтыты юпийн, ёхи йилат па рупатая ант вулдайт. Улты таха ищи ант тайлат, щит элты па потрэмисув.

Щимащ партапсайт муң холдыена нэпека ханшсаллуд па Законодательной Собрание педа китсаллуд. Щита омасты хоятат ищи ат нумаслат, хоты муңев мосты верат туңмалты рахал.

Там пуш сусан округ кеман

ялап депутатат пирылдайт. Щи юпийн айлат ёх парламент ялпа акатла. Щишан муң щимащ партапсайн масаюв. Хой айлат ёх уйтлаты, хоятат шоши хоятлудуа не́тты утцилат, щимащ хоятат каншты питлуд. Ма нумастэман, щимащ энамты няврэмат муң районэван ищи

уллат, лувилала щит элты ищи потарты мосал, ям улапса ураелдох пайтман еллы ат уратлат», – манам уйтантопса па верам рупатайд элты муңев Иван Сандрин айкел верас.

Зоя Куртязмова ханшам потар

Сот балл шитам няврэмат

Там талдан округев хуват хольмаң педа худам няврэм экзамен сот балла масат. Кашң си эви па пох ашкулдайн яма уталтыйс, ар хорпи олимпиадаятан, уталтыты программаятан, профильной сменяятан касас па нох питылдыс.

«Лорвош районан там пуш па талат пидан артадаман, ихосьяң класс етшам няврэмат мет ар мевал пос щитсат. Длпат эви ашкулдаел вет сорнең па кат щелдох посан етшаптасэл», – Лорвош район куся ху Олег Попов ясаң верас.

Сорнең пос шитам няврэмат кутан – Дияна Нургалиева па Яна Сандрина Мужи вош элты, Ирина Бакланова Горка вош, Екатерина Сандрина Овкурт па Нура Шаяхметова Питлор курт элты.

Марина Клепикова Мужи вош элты па Екатерина Дитц Горка вош эви щелдох мевал посңан еша паятсаңан.

Кат эви – Дияна Нургалиева па Ирина Бакланова Москва вошан мет яма уталтыты няврэмат яха уйтантыты волаң Выпускной емаң хатла яңхлатан па Хон Петра вошан, хон мув ашкулдайт етшам няврэмат ураңан верты «Алые паруса» емаң хатла тутлдылайңан.

Кашң сот балл шитам няврэмат па лувел уталтыйм хоятал округ губернатор грант ох – сот сёрс солдува ёша паятал. Мет шопаң, яма экзаменат мийм няврэмат кутан ханты эвет уллат. Муң па мойлапса ясаң лувилала ясталуд, еллы педа ситы си, сама рахты рупатаела, яма ат уталтылат.

Альбина Тырлина ханшам потар



Хор: vk.com/porovolegshur

ОБЪЯВЛЕНИЕ

ВРЕМЯ ДЛЯ ВАЖНЫХ РЕШЕНИЙ

5 000 000
РУБЛЕЙ в ГОД

2 300 000
РУБЛЕЙ ЕДИНОВРЕМЕННО

При заключении контракта
на Ямале

Подробности на сайте
contract89.ru

Ямал мув колледжата приёмной кампания пинтщас

Онттыды нэпекат маты ораңна Ноябрьск, Новый Уренгой, Тарко-Сале, Губкинской, Пулцавт, Ладатнаңк, Надым па Муравленко васатна олты колледжат увлад пунссат. Тампус ямальской колледжата мет ар абитуриент лаялда. 2802 бюджетной онттыды таха камн рот направление хуват пунсман ол, тунял эвалт щит 20% ар.



Хор: Николай Панферов



Хор: yamal.aif.ru

Мет такан энамты нэңхэт топливно-энергетической комплекс хоца ропытты таха педа лэщатлайт. Хут государственной колледж муң региону эвалт щимащ программа алял. Мет алнищ Новоуренгойской кол-

ледж щимащ программа пидна этас «Кадры для ТЭК и сервиса ТЭК Ямала».

Хой дытл «Ямальский туризм» «Профессионалитет» федеральной проект хуват онттыда манта веритл. Тампус 332

бюджетной таха: «Туризм и гостеприимство», «Поварское и кондитерское дело», «Сервис на транспорте», «Технология индустрии красоты» йитат хуват.

Щи томпына ИТ-направление хуват лапат муниципалитет колледжа онттыда манта рахал. 345 абитуриент Пулцавт, Ладатнаңк, Новый Уренгой, Тарко-Сале, Муравленко, Губкинской па Ноябрьск васатна лаялдайт. Тамхатл муң регионуна щи направление хуват щёрс молтас энамты нэңху онттыыл.

«Цифровой экономика ораңна сэңк щимащ нэңхэт маслат, хой ИТ-ропата педа онттыйс. Щитна муң щимащ онттыды тахайт мет ямми вердалду. Щит анта топ йилап па мет ям направ-

ление, щит округ ораңна вул вер», – Ямал мув шимлаң мир проектат пидна ропытты департамент хоца лаңкар ху Андрей Байбародских лавас.

Тампус Ямальской многопрофильной колледжа холна йи онттыды йит пунсса – «Педагог дополнительного образования». Щита онттыды дытты нывремат нэпеклад приёмной комиссия хоца яңхман мата веритлалдал, ЯНАО образовательной портал хоца па «Госуслуги» хуват.

Амыдал-ащидал касдыман яңхты нывремат олмад щирна онттыды сертификатна мата питлайт. Щимащ мера Ямал мув губернатор Дмитрий Артюхов партам щирна этас. Щи онтасна энамты нэңхэт, хой аттестат хуват балл соп ант сытсат, сертификат хуват средний образование сытта веритлат. Ловатдна 75 сертификат, Ямальской многопрофильной колледж па Ладатнаңкна ропытты филиал, Новоуренгойской многопрофильной колледж, Надымской па Тарко-Салинской профессиональной колледжат хуват артлайт.

Касң тал муң региону хуват ропытты колледжат эвалт 2400 щёрс молтас специалист этл, дув эвалтыдал 60% мохты ропытта питлат.

Вера Лонгортова хансам потар

«Северной характер» луң ёнтапсайт мантсат

Хасям лапатан Пулцават вошпан «Северной характер» луң ёнтапсайт мантсат. Там пуш мет ар, йи сёрс катсот хоят касты ёхтыдыс. Округ ёх тумпийн, Тюменской, Свердловской областьдан, Саран мув па ДНР мув Волновахской округ элты нывремат па ун хоятат усат.

Манам ёнтапсаятан «Профи» па «Любители» категорияйн командайт па атэд хоятат касат. Округеван там тал, герой Тада постаман ул. Сишан ёхтам хоятат начальной подготовка курсатан манты касасаятан лэщатсайт. Ун хоятат тумпийн Овс мувев элты касты хара хольмаң ныврэм ёхтыдыс. Яң командайн хулам ныврэм ус.

«Профи» категория луңтасты ёх кеша хольмаң педа хулам, «Любители» ураңан вет, хут па кат километра хуламсот метрайн ветхосьяң касасайн лэщатсайт.

Атэд касты хоятат кутан хулам категорияйн Сеяха вош

па Тарко-Сале вош элты кат хоят нох питсат.

Командайт кутан «Адреналин» Охсар ёх одаң тахая этсат па сот сёрс солкува щитсат. «Созвездие» Пулцават вош хоятат кимет места вусат па ярсот сёрс ёша паятсат. «Ямальской рай-

он» Яр-Сале вош хоятат худмет тахая питсат па нийлъяң сёрс солкувайн масайт.

Профессионалат элты Лейсан Калентьева Ноябрьск вош нэ па Егор Веряскин Надым вош элты сорнең посқан па ветъяң сёрс щитсаңан. Ирина Соловьёва Охсар курт элты па Виктор Чулков Екатеринбург вош ху щелох мевал посан юконтсайңан па нялъяң сёрс солкувайн масайңан. Нелли Куртямова Пулцават вош нэние па Артём Окоэтто Охсар курт элты патарох па хольмаң сёрс ёша паятсаңан.

«Любители» категорияйн касты хоятат па мойлапсайт: медалят, дипломат, кубкайт па мойлапсайт щитсат.

Альбина Тырлина ханшам потар



Хор: салехард89.рф




Найң па шитам хатл щиты давалдсув



Ханты ёх хоятлув элды Ун Ляль хара ар хоят маньдыйс. Ыи тухал хоятат таңха ой тайсат па ёхи ёхатсат, хоятат па щиты веккеша тапсат.

Мурат Хавгович Пандо Кев леп пелак ханты ху ус. Дув щёрас яр-сот нядъяң нядмет талдан Ун Ляля Приуральской район эвалт манас. Ун Лялян удам хоятат кутан, хан-тэт ар пелак оратты щиран усат. Катсот лапатъяң ветмет стрелко-вой полкан сот лапатхощяңмет стрелковой дивизияйн лялясас. Руц щиран ястатыйн, ефрейтор лаңкар пос тайс.

Имолты порайн водаң вера



китса, Висла нэмпи ёхан уншты мосас па немцат щилта ел нюхалты. Щёрас ярсот нядъяң нядмет талдан лыпат этты тыдацан хольман пела яртъяңмет хаталан щи вер ус. Щи водаң вера яртъяң хоят китса. Немцат шеңк

такан па арсыр пошкан элды оратсат. Туп муң хоятлув ищи па верэд нох паватсэд. Щи вер порайн Мурат Хавгович мушмалтса. Таксар ханты ху яртъяң немац паратас. Хоты верты, щимац вер щи лялян мосас, наң ант ки паратдан, наң паратлайн. Елды улты ураңан дьлдэн ищи шавиты мосал.

Мурат Хавгович Советской Союз Герой орденан маса. Кашң мир кутан, кашң хоттэдан, дув хорпед хоятат нумты па кац-таты мосал. Дув хуватэд муң улапсаев найң па хошам ивеван ат питал.

Любовь Возелова ханшам потар



48. Старшего сержанта ОБЧАРОВА Николая Александровича	Командир отделения 240 стрелкового полка, 117 стрелковой дивизии
49. Ефрейтора ПАНДОВА Мурата Хавговича	Автоматчик 275 стрелкового полка, 117 стрелковой дивизии
50. Красноармейца ПОНОВА Ивана Захаровича	Сепера 240 стрелкового полка, 117 стрелковой дивизии
51. Красноармейца РАСАЛИК Федора Дмитриевича	Автоматчик 275 стрелкового полка, 117 стрелковой дивизии
52. Красноармейца РАХИМОВА Нуриддина	Стрелка 1232 стрелкового полка, 370 стрелковой Краснознаменной дивизии
53. Красноармейца РИМЕТНИКОВА Николая Александровича	Стрелка 1234 стрелкового полка, 370 стрелковой Краснознаменной дивизии
54. Ефрейтора РОЖКОВА Николая Степановича	Разведчик 1232 стрелкового полка, 370 стрелковой Краснознаменной дивизии
55. Красноармейца РЫБИНА Владимира Николаевича	Стрелка 820 стрелкового полка, 117 стрелковой дивизии
56. Красноармейца РИДОВА Николая Николаевича	Сепера 240 стрелкового полка, 117 стрелковой дивизии
59. Младшего сержанта РИСОВА Алексея Николаевича	Командир взвода разведки 1232 стрелкового полка, 370 стрелковой Краснознаменной дивизии
59. Младшего сержанта САДНИКОВА Сабира	Стрелка 820 стрелкового полка, 117 стрелковой дивизии
60. Сержанта САЛБАЕВА Телектина Ахтовича	Разведчик 1232 стрелкового полка, 370 стрелковой Краснознаменной дивизии
61. Лейтенанта САЛЫНКОВА Ивана Сергеевича	Командир взвода 1234 стрелкового полка, 370 стрелковой Краснознаменной дивизии
62. Красноармейца СЕВЯСТИНЦОВА Терентия Севастьяновича	Стрелка 240 стрелкового полка, 117 стрелковой дивизии
63. Красноармейца СЕРГЕЕВА Прокопия Анисимовича	Автоматчик 275 стрелкового полка, 117 стрелковой дивизии
64. Красноармейца СИДОРОВА Семена Игнатьевича	Сепера 240 стрелкового полка, 117 стрелковой дивизии
65. Сержанта СИЛАЕВА Александра Дмитриевича	Командир отделения, 259 отдельного острелкового батальона, 117 стрелковой дивизии
66. Ефрейтор СЛЕПИНОВ Владимир Ильич	Разведчик 105 отдельной разведывательной роты, 117 стрелковой дивизии



Хор: Вера Лонгортова

Йидап дуңатты нэпек ханты ясаңна этас

Пулңават нэпек дуңатты хатна Антонина Егоровна Сязи (Серасхова) хансам нэпек «Над Обью солнце» презентация манас. Дувел холаңта ёхтыдыйм нэңхэт элты энмам талдал, хоты ханста питас па амэл-ащел пуцщи лавалтас.

Антонина Егоровна ханты (суп ёхан) па руц ясаңна дуңатты нэпекат хансты ның. Кевна Хонма ёхан сыдна сэмна питас.

Хансты нэпекдал пуцщи та-

миты лавас: «Там йидап хансам дуңатты нэпекамна потар ол, нэмал «Над Обью солнце» щитна ма книгайм щиты нэматсэм, хор ханссам. Ханстэмна ма мет алаңна дувилал арры тайдалдам, щи юпина ханты ясаңна ясаңдал ханста питдам, щиты ар этл, ясаңат аса олапсы эвалт вулам. Мала ханслам – щит ма аса ханты ясаңна номасдам, ханты ясаңна ханслам, щи юпина топ руц ясаң педа толмашдалдам».

2015-мет тална Овс мув шоши мир верат пилна ропытты Департамент эвалт Овс мув шоши мир фольклор хоца пилтащимад ораңна ишакты нэпекна майдаса.

2016-мет тална шоши мир щират-пицат савитал па алңиц тутал ораңна «Изобразительное и декоративное искусство» номинация хоца Ямал мув Губернатор грант сытас. Щи томпына, ищи щи тал П.Е. Салтыков нэмпи премия «Мет ямас ханты ясаңна

хансам потардал газетна этмел ораңна». 2020-мет тална «Мастер фольклорного жанра». 2021-мет тална «Голос Севера» касты хара «Поэзия на родных языках» номинация хоца нох питыдыйс. 2023-мет тална «Художественная и документальная проза» номинация хоца Губернатор премия вуйдыйс.

2023-мет тална Антонина Егоровна хансам «Сборник сказок и рассказов» ханты па руц ясаңна этас.

Волонтёрат алаң группша Пул ёхан педа манас

Волонтёрат Пул ёхан мув хорас вай савиты заказникна мантсат. Ловатдна луң сыс холам тахайна яңхта маслат, там мет алаң. Дув щита ущ тылащ 16-мет хатл маса олта питлат. Волонтёра питты ораңна Хон мув регионат па СНГ муват эвалт 181 заявка китса, дув эвалтыдал топ 24 нэңху пирыса.

Пул ёхан заказника манам алаң группша хоца: Рифат Махмутов Волгоградской область «ЭкоТоп» экологической отряд волонтёр, Антон Мочалов



Хор: ЯНАО эңамты нэңхэт департамент

Дорвош район, Дмитрий Елхимов па Артём Абросимов Пулңават эвалт лоңсат. Артём холна тампус Анапа пути шарс сыл мув тут йиңк эвалт систамтта яңхас.

Манам ях «501-й стройка» хуват манты ёс систамтта питлат па «Озеро Сыркова» хуват манты ёс верта.

Уйт дор тылащ 2-мет хатл эвалт 12-мет хатл маса па уйт дор тылащ 22-мет хатл эвалт 31-мет хатл маса «Йиңкидор» паркна манлат. Щита дув овцебыкат ертэп па вай савитытат олты хатат лэщатта нятта питлат.

Щи томпына уйт дор тылащ 2-мет хатл эвалт 12-мет хатл маса йидап верам ёс хуват экспедиция манл – «Енгаю» кордон хоца. Кев сылна ёң хатл олта питлат. Полярно-Уральской вай савиты кордонна лават, ошат па саврат олат. Волонтёрат вай савитытат элты лапасат лэщатта нятта питлат.

Вул пелак нэңхэт ораңна

Ихоцъёң щёрс молтас вул пелак нэңху «Ямальское долголетие» проект хоца лоңас. Щи онтасна лув веранты, касты па онтыды харатна яңхта веритлат. Щимащ харат лув щирэдна ропытты нэңхэт, организацияйт округ эвалт маты грантовой охат онтасна верлат.

Щи проект хоца нийлъёң партнёр ропытл, ловатдна 135 щёрс молтас вул пелак нэңху ёхтыдыйс. Мет ямас лув певалты тахайна яңхлат, пормас верты па лечитты физкультура хоца.

Мала хорпи верты харат па секцияйт, мала щёсна па мала хатлна манлат «Морах» карта сайт хоца вантта рахал. Щи сайт хоца лоңман дьитты тахайна хансантта

рахал. «Морах» сайт хоца лоңты ораңна «Мир» карта тайта масл па «Госуслуги».

«Ямальское долголетие» проект 2021-мет тал эвалт ропытта питас. Мет алаңна щи проект Ноябрьск, Лапатнаңк па Пуровской район нэңхэт хоца ёхтас. 2023-мет тал эвалт мули округ хуват ропытта питас. Щита пилтащита веритлат вул пелак нэңхэт: яхат хутъёң тал эвалт па ныңат хутъёң педа вет тал эвалт.



Хор: РОО «Маяк»



Саман тайты рут мувиe

Кашң хоят лув сәма питам па энмам мувал саман тайдалды. Хойтат лувел хоран эталдат па верам пормасатан алыдат. Хой, рут мувиел ишакман, потрат па дуңтарат ханшал па арыйн арылды. Там лопасан Екатерина Евгеньевна Костюченко (Максарова) шуңат, Дорвош куртаң нә, рут мувал элты ханшам дуңтарат понлув.



Хор: Валентина Роктымова

Янас кев

Ар луңханшап лураң сый,
Ухал патәт шихар сый,
Хува этра тохрыдыйс,
Хува этра касдыдыйс.
Щиты онас талысыйс,
Щиты тащ хот касдыдыйс.

Ныда дор тур дор путарна,
Ун опрацлам яңхам мувна,
Тонты лаңкам вет хот дойс,
Нюки лаңкам вет хот дойс.

Эвет-похат тайилдысат,
Эвет-похат энмалтысат.
Дув ун тащат олтыдысат,
Миныруват энмалтысат.
Ёхтам рәпел хуңхилдысәл,
Емаң кевел вуншилдысәл.

Ин щи мувем хуван хащас,
Щи мувеман самем хащас.

Янас кевем сәма питал,
Янас кевем удма питал.

Йис акидам хорам тащат,
Кев тум пелка няхардысат,
Хопан ёхан вуншилдысат,
Еңкаң щарса ёхтыдысат.
Ун тащидал шавилдысәл,
Йис мувлала ёхтыдысат.

Вет щараспи хорам тащем,
Яң щараспи нави тащем,
Вотдама ки увалсайт,
Тынцаң иты сухтантас.
Ар луңханшап
лураң сыйдал.
Дув ун тащат олтыдысат.

Емаң дор

Емаң дорэв ун ем тайс,
Емаң дорэв ун пас тайс,
Емаң дорэв йиңкал емаң,
Емаң дорэв хулад емаң.
Йиңкан-хулан, эвен-похен,
Ун нупатна, хув
нупатна партыдысды.

Йис порайна ун ацилув,
Хув порайна ун акилув,
Ар пуш йирна хорыдыса,
Ун порына верыдыса.
Елды улты номас тайсат,
Елды шушты калтам
тайсат.

Ин там йисна
йиңкал йинцла,
Ин там йисна хулад дәда.
Йис ун емат ёрәмаслув,
Йис ун паст вотәмаслув.
Елды улты ошев антом,
Елды шушты щәмев антом.

Энмам куртлув тада хащсат,
Ай куртыйлув волдал
хащсат.
Талат-луңат ёхтыдылат,
Эвет-похат энмилдылат.
Елды улты ой ат тайлат,
Елды шушты юш ат тайлат.

Сама мосты ма мувием

Овс мувем нюрам мувем,
Овс мувем хорам мувем.
Аслад унат, йиңкал унат,
Овс мувем, ма йис мувем.
Елды улты, хува шушты,
Сама мосты ма мувием.
Сама мосты ма мувем.

Овс мувем ищки мувем,
Овс мувем тащан мувем.
Тащдал унат, щахардал
вутңат,
Овс мувем датаң мувем.
Елды улты, хува шушты.
Сама мосты ма мувием,
Сама мосты ма мувем.

Овс мувем хулаң мувем,
Овс мувем вутаң мувем.
Хулдал арат, дордал унат.
Овс мувем нуптаң мувем.
Елды улты, хува шушты,
Сама мосты ма мувием.
Сама мосты ма мувем.

Овс мувем унтаң мувем,
Овс мувем войң мувем.
Унтдал унат, войдал арат.
Овс мувем лащкам мувем.
Елды улты, хува шушты,
Сама мосты ма мувием,
Сама мосты ма мувем.



Хор: Альбина Тырлина

Патлам ур

(Олаң шупал № 25
(1276) луңталн)

Ешаул, ийикел онас элты ёхатсалды. Ат сыс холты тахая ёхатман юпийн, хот лонцсаңан, тут адсаңан, лэотот кавартсаңан па олтыя лэщатыты питсаңан. Хатл сыс вердал верты кутан, онасал дойдыйм вер элты хол ёрэмасды. Туп ил олты елпийн, няврэмал эсаман лапатты питмадан па щи щи нумасдал номпса ёхатсат. Няврэмиед щикем такан мисъйиңкал шепас, матты ки дэтал сахат, антел дыл шув юрал нох шепдалды.

– Касалтэв сыс похием метас, самал вохда, щит ураңан омед

каращ поха ус. Пуңалта вант-тыйн, ныса, няврэмел еша матты ки ошыдыды. Нялам шупан потартман, тухал ясаңдал водаң ант моштадайт. Вер щиран катлантыты па ант хошантас. Ёнтты кеман туп ус. Ай сумтыет юх лэрдал пилан нох менэмалды па щитдал дарңалман шушилдыйл. Лув элтэл палман, хотаң няврэмат еша елаңшак ёнтсат. Хойтэл порайн, холдаман «Ур куль! Ур куль!» лувел нэматсэл.

Ху довата ювмадан, лув элтэл анта туп энамты эвиет, ху сайн улты нэңат тэдан палты питсат. Ёх хоятат палты верэл элпа ант эталтасэл, туп кашң пуш щи

юпийн, мет олңа ницта вулэт ярты питсат.

Итан-итан катлам вулэт и кар тэда каратсайт. Хота муй юр ёхатал, и кар тэда яха ярам ницта вулэт каталты. Ёхлад кутан ахой ел нюхмас: – Там ницта вулэт идампа Ур кулян туп каталты верытдайт. Ур куль вохса. Лув па мет амтас. Ал па хоты, тащ хотаң мохилал холыена тата улдат. Холыена лув педайд вантлат. Вер сахат вохам ху лув ат ул. Муй хорпи лув апраң па юраң, ёхлад лув такды нэмомлты верты ант верытлат.

Яа щи, вошам нох каталты партса. Йи кар тэда ярам

вантлат. Матты кут, ин икев курал няр торан хоца хол волькамтас. Кел лыпаша ракам кут вулдыдалан моштаса па войдал шаңкап ел нёхласат. Щикуш кедал эсалты вутщисды па ант тыйс. Ёвартам кедал ёш лыпия шуйдыйс. Антпал элты кешел лакаптаты утщисды. Вудыдалан сухтам порайн, сотпаң кешел ким лакнапмал па хол хащмал. Кев вур хуват вулдыдалан щиты щи хорсаласа. Мохилал вантман, щиты щи сэм сая туса.

Хув-ван каншса. Мет олңа вулдыдал уйтсайт. Кедал холты тохнапмал. Юхат, Ур куль холна лапат каншса. Уйтмел порайн, пармал. Кева хойдыман,



Хор: dzen.ru

такан шепдалды, – ил тувематы сыс антел нумасыйс, – ант мосал атом вер педа нумасты, иса ям, хащам вер щита ат хащал.

Айлат нэңев ийикела нэмомлты потарты ант питас. Холна па лувел палтаптаты питлэм, лув сахатал нумасыйл. Шаха па ястал, холта педа вантсан? Щита па дьяваталайм. Пора хащам юпийн, мохилув ар няврэмаң хоттэда ювмедан, рутлал пилан йи тащ хотан касалман яңхты питсат.

Атаң-хатл манты щиран, ин похие сора энмал. Лув доватл няврэмат кутан лув мет лаңкраң, куншаң, доватаң

похиел лув элтаел пуңалшак тахаята рупитты китыдысэл. Ал па мет даварт рупата лувел верты партлэл, щаха меттал юпийн, ванта, мохты вояпла.

Лув па щимащ даварт рупатая, лувел эталтаман, иса аматман манал. Ат вантла, муй хорпи лув юраң па каркам.

Йи матты порайн, тащ па тахая воштаты ураңан, вулэт похда акатсайт. Хотаң мохилал вошам дарытман, дойсат. Хойтат ёшан сув каталсат, тухал тахаятан ухлат йира ператман понтсайт. Ермат тахайн вулэт сэңкащты питсат. Суюват па ром вулэт ант пурантты ураңан, ёх вулдыдал пушас лыпия воштамел

ницта вулэт аматман ким навармасат. Ким пелка питмел юпийн, щикущ йи елды наварты утщисат, туп Ур куль юраң ёшан каталты келан ёхлы сухтасайт.

Вудыдал уратылат, менвантылат. Ур куль тэрматыман кедал ёша ёвартсалды. Олаң вулэл каврам дылан далман еша матты ки роммас. Кимет вулэл курдал ещад лонцман, охал ил эсалман дойд. Хулмет войл па ляхантам онтасан оңатдал ил эсалман давартан ладал. Кедал такан каталман, пеңкдал шихарман, няхман, Ур куль икен ищи ил дойс. Хотаң мохилал, ванта, лув педайд

элад щах карңалтам. Тайм юрал онтас па ант таймал.

Тадат хащам юпийн, руцат ёхтыдысат. Лоттам тахайл каншсэл. Эвалты ураңан, Ур куль нэмпии няврэм яна ус, мосаң па ал монц потар. Хув пора хащам юпийн, лоттам тахайл ёрэмаса. Йис потратан, монцатан туп нэмад хащас.

Щи вер этам юпийн, тащ хотаң ёх Патлам ур муват педа ин там хатлат унты ант па яңхилылат. Щита улты юшат хуват ант па касдыдылат. Щи.

Зоя Куртямова
лэщатсалды



Уталтыты пора етшас

Округ ашкудаятан яртъяңмет, ихосьяңмет классатан уталтым ныврэмат, экзаменат масат, ашкудайн уталтыты сысэл етшаптасат. Округ хуват выпускной емаң хатлат мантсат.


Ущ тыдась хольмаң педа олаңмет хатадан Пулңават вош ашкудаятан ихосьяң класс етшам ныврэмат «Геолог» харан яха уйтантысат.

Си хатадан холна яртъяңмет классатан уталтым ныврэмат аттестататан масайт. Етан, хорам, ойң эвет па похат аңкидад-асидал пидан уталтыты етшам пораял постасат.

Хатл шупан, каш верты хот «Геолог» хар хося актасям ныврэмат, хорамаңа думатдыман, классной хоятлад пидан вурты юш хуват шушсат. Олыпаңа дэсятм харан, мет яма ашкуда етшам ныврэмат постасайт па мойдаптасайт. Эвет-похат пидлад пидан вальс яксат па хор версат.

Вошаң ныврэмлүв мойдапсайн дэсятсайт. Москва вош элты Ice Lo R&B арыты хоят па «Чегевара» кавер-группа каш альты па арыты ёхтыдысат, Уйтантопса етшам юпийн, энамты ёх аматман па ям номасан ёхи мантсат. Еша сютсядат па елды уталтыты манты ураңан, дэсятылат.

Альбина Тырлина ханшам потар



Хор: vk.com/popovlegshur



Хор: Альбина Тырлина

Газета «ДУХ АВТ»

Адрес редакции:
629003, ЯНАО,
г.Салехард,
мкр. Богдана Кнуянца,
д.1, каб.106
(34922) 4-68-63

E-mail:
luh.avt@yamal-media.ru

Учредитель
Департамент внутренней политики
Ямало-Ненецкого автономного округа
(629008, ЯНАО, г.Салехард, пр-кт Молодёжи,
д.9, каб.708)

Газета зарегистрирована
Управлением федеральной службы по надзору
в сфере связи, информационных технологий
и массовых коммуникаций по Тюменской
области, ХМАО-Югре и ЯНАО
19 апреля 2012 года
Регистрационный ПИ № ТУ72-00558

Тираж 1300 Заказ 0814
Подписные индексы:
на год – ПА700, на полугодие – ПР561

№ 26 (1277)
Газета вышла в свет 28 июня 2025г.
Подписано в печать 26 июня 2025г.
по графику: 16.00
фактически: 16.00
Газета выходит по субботам

Цена годовой подписки 88 руб.,
в розницу не распространяется

Издатель
Департамент внутренней политики ЯНАО
(629008, ЯНАО, г.Салехард,
пр-кт Молодёжи, д.9, каб.708)

Отпечатано в АНО «Ямал-Медиа»
Юридический адрес: 629003, Ямало-
Ненецкий автономный округ, г. Салехард,
мкр. Богдана Кнуянца, д.1, каб.106
Фактический адрес: 629007, Ямало-
Ненецкий автономный округ, г. Салехард,
ул. Чубынина, д.39А

Генеральный
директор
АНО «Ямал-Медиа»
Зулинова
Марья Андреевна

И.о. главного
редактора
Куртимова
Зоя Николаевна